

বাংলাদেশের দক্ষিণ-পশ্চিমাঞ্চলের কৃষি ও পানি ব্যবস্থাপনা: ভবদহ অঞ্চলের পর্যালোচনা

মো. জাহাঙ্গীর আলম

পানি ব্যবস্থাপনার ওপর ফসলের উৎপাদন, উৎপাদন ব্যয় এবং কৃষক আর কৃষি অর্থনীতির গতি-প্রকৃতি মৌলিকভাবে নির্ভরশীল। সমগ্র বাংলাদেশ তো বটেই, দেশের দক্ষিণ-পশ্চিমাঞ্চলের পানি সম্পদের অব্যবস্থাপনার কারণে সৃষ্টি হচ্ছে লবণাক্ততা, জলাবদ্ধতা এবং নদী বা খালের তলদেশ ভরাটজনিত সংকট। কৃষক এবং কৃষি পড়েছে হুমকির মুখে। বর্তমান প্রবন্ধে বাংলাদেশের দক্ষিণ-পশ্চিমাঞ্চলে কৃষি এবং পানি ব্যবস্থাপনার বিষয়টি বিশ্লেষণ করতে গিয়ে ভবদহের জলাবদ্ধতার বিষয়টিকে বিশেষভাবে বিবেচনায় আনা হয়েছে। এই প্রবন্ধে কৃষি ও পানি ব্যবস্থাপনার সাথে অর্থনীতি ও নীতিনির্বাচন দিকটি উপস্থাপন করা হয়েছে।

১. ভবদহের পরিচিতি : ভবদহ বাংলাদেশের দক্ষিণ-পশ্চিমাঞ্চলের একটি জলাবদ্ধ এলাকার নাম। গাঙ্গেয় প্লাবন দ্বারা গঠিত, অপেক্ষাকৃত নদীর এবং নদীবিহোত এলাকা। প্রকৃত অর্থে যশোর-খুলনা-সাতক্ষীরার সংযোগস্থল সংশ্লিষ্ট অঞ্চল। ভবদহ সুইস গেট সংশ্লিষ্ট যশোরের অভয়নগর, মণিরামপুর, কেশবপুর, খুলনার ফুলতলা, তুমুরিয়া, সাতক্ষীরার তালাকেন্দ্রিক এর ব্যাপ্তি। গত শতাব্দীর মধ্যভাগের পূর্বে এলাকার নদীসমূহের প্রবল গতিযুক্ত প্রবাহ ছিল। উজানের নদীসমূহের সাথে অবাধ সংযোগ ছিল বঙ্গোপসাগর পর্যন্ত। অসুবিধা ছিল দিনে দুইবার জোয়ারের লবণাক্ত পানি আর বন্যা। ওই সময় পলি প্লাবন ভূমিতে পড়ে ভূমি গঠনের কাজ এবং নদীর প্রবাহ অক্ষুণ্ণ ছিল। ভূমি গঠন শেষ হওয়ার পূর্বেই উপকূলীয় বাঁধ তৈরি হয় (গত শতাব্দীর ষাটের দশকে) এবং উজানের প্রবাহ বাধাগ্রস্ত হয়। প্রত্যক্ষভাবে ২৭টি বিল এবং পরোক্ষভাবে আরো ২৬টি বিলের পানি নিষ্কাশনের জন্য ১৯৬১ সালে ভবদহ সুইস গেটের জন্ম। প্রথমত সুইস গেটের সুফল লক্ষণীয়। কিন্তু পলি জমে ধীরে ধীরে ভরাট হতে থাকে নদীর তলদেশ। গত শতাব্দীর আশির দশকে দৃশ্যমান হয় জলাবদ্ধতা, এখন তার ভয়াবহ পরিণতি। মূলত ২৩টি ইউনিয়নের ২১৮টি গ্রাম এবং ৩৩০ বর্গকিলোমিটার ভবদহের সংশ্লিষ্ট এলাকা বলা যায়। এই জলাবদ্ধতার কারণে বলা হচ্ছে ভবদহের বাঁধ মানুষের মরণফাঁদ। সমাধানের জন্য মুক্তির লড়াই হয়েছে। উদ্যোগ গ্রহণ করেছে ভুক্তভোগী জনতা এবং সরকার। স্থায়ী সমাধান হয়নি।

২. পটভূমি : খুলনা, যশোর, সাতক্ষীরা, বাগেরহাট, নড়াইল, বিনাইদহ, চুয়াডাঙ্গা, কুষ্টিয়া, মাঞ্চুরা, জেলা নিয়ে দক্ষিণ-পশ্চিমাঞ্চল গঠিত। নদীসমূহের পলিবাহিত জোয়ার-ভাটা, লবণাক্ততা এবং স্বাদু পানি সমষ্টি এ অঞ্চল পৃথিবীর উর্বরতম অঞ্চল হিসেবে খ্যাত। ভৌগোলিক অবস্থান বিশ্লেষণে দেখা যায় ভারতের গঙ্গা, সেদেশের নদীয়া জেলার করিমপুর হয়ে বাংলাদেশের মেহেরপুরে প্রবেশ করে। গতিপথে মেহেরপুরের শোলমারী থেকে বাংলাদেশের দক্ষিণ-পূর্বে প্রবহমান। চলমান ধারায় পন্থার শাখা ভৈরব-মাথাভাঙ্গা, মুক্তেশ্বরী, টেকা, শ্রীহরি, তেলিগাতী নদী, গ্যাংরাইল ও শিবসা হয়ে কাঙার সাথে বঙ্গোপসাগরে মিশেছে। এখানে দুটো বিষয় জানা দরকার-এক. গঙ্গা থেকে বঙ্গোপসাগরের এই ধারা একসময় বাধাহীন ছিল, জলাবদ্ধতা ছিল না। দুই. এই ধারার প্রবাহ বাধাগ্রস্ত হওয়ায় (যা পরের আলোচনায় সন্ধিবেশিত) মুক্তেশ্বরী-টেকা-শ্রীহরি নদীর সংশ্লিষ্ট এলাকাই বর্তমানে সমস্যাগ্রস্ত ভবদহের জলাবদ্ধ অঞ্চল। মূলত ষাটের দশকে মার্কিন যুক্তরাষ্ট্রীয় পরামর্শ-উদ্বৃদ্ধ সবুজ বিপ্লব কর্মসূচির আওতায় অধিক ফসল ফলানোর কোশলের অংশ হিসেবে

ইউএসএআইডির সহায়তায় এবং এডিবির খণ্ডের মাধ্যমে গ্রহণ করা হয় উপকূলীয় বাঁধ প্রকল্প। এই প্রকল্পের অংশ হিসেবে ৩৯টি পোল্ডার, ১৫৬৬ কিলোমিটার বেড়িবাঁধ এবং ২৮২টি সুইস গেট দিয়ে ফসলের প্রোডেভনে এ অঞ্চলের মানুষ ও তার প্রকৃতি পরিবেশকে দীর্ঘমেয়াদি সংকটের যাঁতাকলে ফেলে দেয়া হয়। অবশ্য উপকূলীয় বাঁধ দেয়ার উষ্ণাবংশে কয়েক বছর বাস্পার ফলন হয়। স্থানীয় কৃষকদের ভাষ্য মতে এজন্য তারা তৎকালীন পূর্ব পাকিস্তানের গভর্নর মোনায়েম খানকে সোনার কাঁচি উপহার দিয়েছিল। এরই মধ্যে প্রকৃতি প্রতিশোধ নিতে শুরু করে। বাঁধ দেয়ার ফলে পলি অবক্ষেপণের প্লাবন ভূমি আটকা পড়ল, ভূমি গঠন বাধাগ্রস্ত হলো। একদিকে কৃষিজমি হারাতে থাকল পলি, অন্যদিকে জোয়ারে আসা এই পলি নদীতীর এবং তলদেশে জমা হতে থাকল। ফলে নদীর বুক উঁচু এবং বিলের তলদেশ সে তুলনায় নিচু থেকে গেল। বিলসমূহ পরিণত হলো পানির পকেটে। যার পরিপ্রেক্ষিতে গত শতাব্দীর আশির দশকে, মূলত ১৯৮২ সাল নাগাদ দক্ষিণ-পশ্চিমাঞ্চলের আড়াই লাখ হেক্টর কৃষিজমি স্থায়ীভাবে জলাবদ্ধতার রূপ নেয়। ভবদহ অঞ্চলের ২৭টির বেশি বিল এবং প্রায় ১০ লাখ মানুষ পড়ে ভয়াবহ বিপর্যয়ের মধ্যে।

৩. সম্পর্কিত বিষয় পরিচিতি :

ক) ক্রুগ মিশন : ১৯৫৪-৫৫ সালের ভয়াবহ বন্যার পর জাতিসংঘের সুপারিশে পূর্ব বাংলার বন্যা সমস্যা সমাধানের জন্য একটি কমিশন গঠন করা হয়, যা ক্রুগ মিশন নামে খ্যাত। ক্রুগ মিশন এ অঞ্চলের বন্যা সমস্যার সমাধানের জন্য একটা সুপারিশ পেশ করে।

খ) অষ্টমাসী বাঁধ : গত শতাব্দীর চলিশের দশকে বাংলাদেশের দক্ষিণ-পশ্চিমাঞ্চলের কৃষকরা বছরের একটি নির্দিষ্ট সময়ে বিলে ফসল করার উদ্দেশ্যে বাঁধ দিয়ে নোনা পানি ঠেকিয়ে আবাদ করতেন। আবাদ শেষে বাঁধ কেটে জোয়ারের পলিযুক্ত পানি বিলে তুলে বিল উঁচু করতেন। এভাবে চলত ফসল উৎপাদনের সাথে ভূমি গঠন। আর এই বাঁধের নাম অষ্টমাসী বাঁধ। মাঝী পূর্ণিমায় বাঁধ দিয়ে আয়টা পূর্ণিমায় খুলে দেয়া হতো। এতে নদীর নাব্যতা বজায় থাকত। নদী দিয়ে পানি সহজে নিষ্কাশিত হওয়ায় জলাবদ্ধতার সৃষ্টি হতো না।

গ) পোল্ডার : দক্ষিণ-পশ্চিমাঞ্চলের নদীবেষ্টিত ভূমির নদীতীর বরাবর চতুর্দিকে বাঁধ নির্মাণ করে নদীর লবণাক্ত পানি বিলে প্রবেশের পথ বন্ধ করা হয় এবং বিলের তেতরে অবস্থিত খালের মুখে সুইস গেট নির্মাণ করে বিলের তেতরের আবাদ পানি নিষ্কাশনের পথ সুগম করা হয়, যা পোল্ডার নামে অভিহিত। ১৯৫৯ সালে সাবেক ইপি ওয়াপদা গঠন হওয়ার পর এই লবণপানি বাধা দেয়া এবং অধিক ফসল ফলানোর

জন্য দক্ষিণ-পশ্চিমাঞ্চলের জেলাগুলোতে উপকূলীয় বাঁধ প্রকল্পের কর্মকাণ্ড শুরু হয়।

ঘ) জোয়ারাধার (TRM) : TRM এর পূর্ণরূপ Tidal River Management, বাংলায় নদীর জোয়ার ব্যবস্থাপনা। মূলত জলাবদ্ধতা নিরসন, ভূমি গঠন ও নদীর নাব্যতা বৃদ্ধিতে দক্ষিণ-পশ্চিমাঞ্চলের কৃষকদের উন্নতিত নদী পরিচার্যার সময়ে ফসল ফলান্বে এক কৃষি পদ্ধতি, যা প্রবর্তীতে গবেষকদের সমর্থনে বৈজ্ঞানিক পদ্ধতির মর্যাদা পেয়েছে। উপকূলীয় এলাকায় জোয়ার-ভাটা চলমান মূল নদীসংলগ্ন যে কোনো উপযুক্ত বিলে তিনি দিকে পেরিফেরিয়াল বাঁধ দিয়ে নদীসংলগ্ন অবশিষ্ট দিকের উপযুক্ত স্থান উন্মুক্ত করে জোয়ার-ভাটা চালু রাখা। ফলে জোয়ারের সময় পলিযুক্ত পানি বিলে প্রবেশ করে পলি অবক্ষেপণ করবে। এই প্রক্রিয়ায় বিল উচ্চ এবং নদী খননকাজ সম্পন্ন হয়। এতে ভূমি গঠন ও নদীর নাব্যতা বৃদ্ধি পাবে এবং জলাবদ্ধতা দূর হবে।

ঙ) পেরিফেরিয়াল বাঁধ : একটা বিলে পরিকল্পিত জোয়ারাধার (টিআরএম) সৃষ্টির লক্ষ্যে তিনি দিকে বাঁধ দেয়া এবং এক দিকে খোলা রেখে জোয়ারের সময় পলিযুক্ত পানি তোলা এবং ভাটিতে স্বচ্ছ পানি বের করে দেয়া। উদ্দেশ্য হলো পলিযুক্ত লবণ্যপানি যাতে বাইরে নায়। কারণ এই পানি বাইরে গেলে প্রাণী ও প্রকৃতির ক্ষতি সাধিত হবে। দ্বিতীয়ত পলিমাটি যা জমিতে পড়ে উচ্চ হবে এবং স্বচ্ছ পানি বের হয়ে নদীর প্রবাহ বৃদ্ধি করবে।

চ) কাটিং পয়েন্ট : পেরিফেরিয়াল বাঁধের যে দিকটা খোলা রাখা হবে, জোয়ারের পানি (পলিযুক্ত) বিলে প্রবেশ এবং পলিবিহীন স্বচ্ছ পানি বের করার জন্য সেই দিকটাকে কাটিং পয়েন্ট বলে।

৪. ভবদহ সংশ্লিষ্ট নদীপ্রবাহ (গঙ্গা থেকে বঙ্গোপসাগর) : মুক্তেশ্বরী নদী ভৈরবের দক্ষিণমুখী শাখা। গঙ্গাবিদ্বীত বদীপের এই প্রধান প্রবাহ ভৈরব। নদীয়া জেলার করিমপুর থানা দিয়ে মেহেরপুরের শেলমারী থেকে বাংলাদেশের দক্ষিণ-পূর্বে প্রবহমান। গঙ্গা নদী এর প্রধান উৎস। পথগুলোর দশকে বাংলাদেশ থেকে তিনি কিলোমিটার দূরে ভারতের অভ্যন্তরে হাগনাগড়ি নামক স্থানে বাঁধ দিয়ে এই নদীর প্রবাহ স্থায়ীভাবে বন্ধ করা হয়। চূর্ণী নদীর সাথে এই প্রবহের সংযোগ।

পদ্মার শাখা মাথাভাঙ্গ ভৈরবের আরেক প্রবাহমুখ। উল্লেখ্য, ইংরেজীয়া মাথাভাঙ্গ নদীর উৎপত্তিস্থলে মাটিবোঝাই নৌকা ডুরিয়ে মাটি ভরাট করায় এর স্রোত অনেকটা ক্ষীণ। মাথাভাঙ্গ সুবলপুর-রঘুনাথপুরে ভৈরবের সাথে মিশে বৃড়ি ভৈরবের নামে গতিশীল গভীর নদী। কোটচাঁদপুরের তাহেরপুর-হাকিমপুর থেকে কপোতাক্ষ ভাগ হলে ভৈরব আবার ক্ষীণ হয়ে পড়ে। বুকভরা বাঁওড় থেকে হালসার খাল কেটে হরিহরে মেশালে ভৈরব ও মুক্তেশ্বরীতে এর নেতৃত্বাচক প্রভাব পড়ে।

মুক্তেশ্বরীর উৎপত্তি ভৈরব থেকে। যশোর কালীগঞ্জ চৌগাছার বিস্তৃত এলাকার বিশাল বাঁওড় মজজাতের বাঁওড়ের বিপরীত পাশে মুক্তেশ্বরী নামক স্থান থেকে প্রবহমান ভৈরবের দক্ষিণ পাশ থেকে মুক্তেশ্বরীর উৎপত্তি। সুনীর্ধ ও এককালের খরযোগী এখন মৃতপ্রায়। যশোর শহর ও ক্যান্টনমেন্টের দক্ষিণ পাশ দিয়ে সতীঘটা মণিরামপুর উপজেলায় প্রবেশ করে। ঢাকুরিয়া পার হয়ে ডুরু বিলের ভেতর দিয়ে সমন্বয় বিলের পাশ দিয়ে পাঁচবাড়িয়া মুক্তেশ্বরী কলেজ ও হাজিরহাট বাজারের উত্তর পাশ দিয়ে লেবুগাতী হয়ে বিল বোকড়ে প্রবেশ করে অভ্যন্তর ও মণিরামপুরের সীমানা বরাবর মশিয়াহাটী,

অব্রজনক্ষম্যা, মে- জুলাই ২০১৮

কুলিট্যাও লখাইডাঙ্গার পাশ দিয়ে বিল কেদারিয়ায় প্রবেশ করে। হেলারঘাট ও লখাইডাঙ্গার বিজের নিচ দিয়ে এর অবস্থান। টেকার বিজ পোরিয়ে ভবদহ সুইস গেটে টেকা নদী নামে এসে মিশেছে শ্রী ও হরি নদীর সাথে। অতীতে ভৈরব, হরিহর ও কপোতাক্ষের বহু মিলনধারার অস্তিত্ব থাকলেও বর্তমানে আমডাঙ্গার খাল (২০০৬-এ নতুন করে স্বেচ্ছাশ্রমে কাটা) ছাড়া তার কোনো সংযোগ নেই।

ভবদহের ভাটিতে মুক্তেশ্বরী হরি নদী নামে খুলনার ডুমুরিয়া ও যশোরের কেশবপুরের সীমানা বরাবর প্রবহমান। নিচের অংশে তেলিগাতী নদী, গ্যারাইল ও শিবসা হয়ে কঙ্গার সাথে সাগরে মিলেছে। হরিহরের নিম্নমুখী অন্য ধারাটি আপারসালতা হয়ে বাপুরপি-য়া ও কাকবাচা নদীর দুই ধারা নিয়ে পশ্চে নদীর সাথে মিশে মালপ্রের সাথে সাগরে মিলেছে।

মুক্তেশ্বরীর দুই পারে অসংখ্য গ্রাম ও হাটবাজার। যশোর শহরের পর (যশোর শহর মূলত ভৈরবের দুই পার) সতীঘাটা, ঢাকুরিয়া, উত্তরপাড়া, বারপাড়া, সুবলাকাঠি, ভোমরদহ, কাটাখালী, হাজারাইল, পাঁচবাড়িয়া, পাঁচকাটিয়া, কুমারসীমা, লেবুগাতী, ১৮ পাকিয়া, সুন্দলী, পোড়াডাঙ্গা, মশিয়াহাটী, কুলাটিয়া, লখাইডাঙ্গা, বালিধা, পাচাকড়ি, বারান্দী, দামুখালী, দস্তগাতি, ভবদহের পরে কপালিয়া, মান্দা, দহাকুলা, শোলগাতিয়া, আগরহাটি, ভায়না, খর্নিয়া, শোভনা প্রভৃতি।

৫. ভবদহের জলাবদ্ধতা আর সংশ্লিষ্ট নদীসমূহের গতিপথের সম্পর্ক অবিচ্ছেদ্য

বাংলাদেশের উজানে হিমালয় আর ভাটিতে বঙ্গোপসাগর। দক্ষিণ-পশ্চিমাঞ্চল তো বটেই, এর মাঝখানের প্রায় সমগ্র ভূভাগ জলরাশি/নিম্নভূমি থেকে নদীবাহিত পলি দ্বারা গঠিত। বলা যায় নদীর বুক থেকে এবং নদীবাহিত পলি দ্বারা এই ভূখণ্ডের জন্ম, আর এ অর্থে নদী হলো জন্মনী। তাইতো বলি, আমরা নদীমাত্র বাংলাদেশের মানুষ। নদীসমূহের নিরবিচ্ছিন্ন প্রবাহ ভূমি গঠন এবং প্রকৃতির নিয়মে জলাবদ্ধতা নিরসনে ভূমিকা রাখে। এর ব্যত্যয়ে মানুষ এবং প্রকৃতিতে বিরূপ প্রভাব পড়ে। এই পরিপ্রেক্ষিতে সংশ্লিষ্ট নদীসমূহের উৎপত্তি ও গতিপথ বিশ্লেষণ দরকার। আমরা বিভিন্ন তথ্য বিশ্লেষণে দেখি, দক্ষিণ-পশ্চিমাঞ্চলের নদীসমূহ মূলত ভৈরব-মাথাভাঙ্গ নদী কাঠামোরই অংশ।

৬. জলাবদ্ধতার কারণ জানতে যে বিষয়গুলো ভাবা দরকার :

ক) জলাবদ্ধতার জনক উপকূলীয় বাঁধ প্রকল্প : পূর্ব বাংলায় বন্যা সমস্যার সমাধানের দায়িত্বে নিযুক্ত হয় ওয়াপদা সংস্থা। ওয়াপদা পূর্ব বাংলার বন্যা সমস্যা তদন্তপূর্বক লবণাক্ত পানির অনুপ্রবেশকে অন্যতম প্রধান সমস্যা হিসেবে চিহ্নিত করে। সর্বোপরি গত শতাব্দীর ষাটের দশকে সাত্রাজ্যবাদীরা সেচ, সার, বীজ, কীটনাশক বিক্রিতে বিশ্ববাজার সৃষ্টির লক্ষ্যে, সবুজ বিপুলের নামে অধিক শস্য ফলাও শোগানকে সামনে নিয়ে আসে। জোয়ারের লবণ্যপানি প্রতিরোধে উপকূলজুড়ে বেড়িবাঁধ এবং সুইস গেট প্রকল্পের ফর্মুলা উৎপন্ন করে। এই ফর্মুলার পরিপ্রেক্ষিতে ১৯৬০-৬৭ সালের মধ্যে শুধু খুলনা অঞ্চলে ৩৪টি পোল্ডার ১৫৬৬ কিলোমিটার বেড়িবাঁধ ও ২৮২টি সুইস গেট নির্মাণ করা হয়। উপকূলজুড়ে এই পোল্ডার বেড়িবাঁধ আর সুইস গেট নির্মাণের ফলে বিল অভ্যন্তরে নোনা পানি প্রবেশ বন্ধ হয়। সবুজ বিপুলের স্লোগানে কৃষি উৎপাদন কিছুটা বাড়ে। শুরু হয় পার্শ্বপ্রতিক্রিয়া। জোয়ারের পানির সাথে সাথে আগত পলিও বিলের ভেতরে প্রবেশে বাধাগ্রস্ত হয়। বন্ধ হয়ে যায় পোল্ডারের ভেতরের নিচু

টেবিল ১: নদনদীসমূহ এবং এদের উৎপত্তিস্থল

উৎপত্তিস্থল	নদনদী/নদনদীসমূহ
ভৈরব ও মাথাভাঙ্গা	ইছামতী, বেত্রাবতী (বেতনা), কপোতাক্ষ, হরিহর, মুক্তেশ্বরী, ভদ্রা, চিয়া, বেগবতী, ফটকী, কাজলা, নবগঙ্গা
তাহিরপুর, চৌগাছা, যশোর	কপোতাক্ষ-ভৈরবের শাখা
ঝিকরগাছা, যশোর	হরিহর-কপোতাক্ষের শাখা
ত্রিমোহিনী, কেশবপুর, যশোর	ভদ্রা-কপোতাক্ষের শাখা
মহেশ্বরী, বিনাইদহ	বেত্রাবতী-ভৈরবের শাখা
কলিগঞ্জ, বিনাইদহ, যশোর সদর ও চৌগাছা উপজেলা সংলগ্ন মজাতের বাঁওড়ের দক্ষিণ প্রান্ত	মুক্তেশ্বরী-ভৈরবের শাখা
দর্শনা	চিয়া ভৈরবের শাখা
মধুরাপুর, বিনাইদহ	বেগবতী/ফটকী নদী, নবগঙ্গা নদী
চুয়াডাঙ্গা শহরের পাশে মাথাভাঙ্গা	নবগঙ্গা
ভৈরব, কপোতাক্ষ, মুক্তেশ্বরী ইত্যাদির নিম্নপথে	খোলাপটোয়া, আড়পাসসিয়া, শিবদা, মরিচ, হরি, শ্রী, গ্যাংরাইল, শোলামুরী, ময়র

উপরোক্ত নদীসমূহের জলপ্রবাহ যদি বাধাইন থাকে তাহলে ভবদহসহ পার্শ্ববর্তী অঞ্চলে জলাবন্ধতা সৃষ্টি হবে না। নদীসমূহের প্রবাহহীনতাই আজকের জলাবন্ধতার মৌলিক বিষয়।

জমির ভূমি গঠন প্রক্রিয়া। এই পলি প্লাবন ভূমি না পেয়ে জমা হতে থাকে নদীর তলদেশে। অন্যদিকে উজানের জলপ্রবাহ বাধাগ্রস্ত হওয়ার পরিপ্রেক্ষিতে উজান থেকে প্রবহমান নদীসমূহ প্রবাহহীন হয়ে পড়ে। ফলে লবণপানির প্রবাহ এবং পলিপ্রবাহ উজানে অনেক দূর পর্যন্ত ঢুকে পড়ে, শুরু হয় পরিবেশ বিপর্যয় এবং দক্ষিণ-পশ্চিমাঞ্চলের অনেক নদীর তলদেশ, বিলের তলদেশের তুলনায় উঁচু হয়ে যায় নিষ্কাশনপথ বন্ধ এবং নেতৃবাচক পথ ধরে।

সময়স্থলে জলাবন্ধতার কবলে পড়ে ভবদহসহ তৎসংলগ্ন অঞ্চল।

খ) বাধাগ্রস্ত উজানের প্রবাহ:

এক : গঙ্গাবিধোত বদ্ধীপের এ অংশের প্রধান প্রবাহ ভৈরব। পশ্চার শাখা মাথাভাঙ্গা ভৈরবের আরেক প্রবাহমুখ। মাথাভাঙ্গা সুবলপুর রঘুনাথপুরে ভৈরবের সাথে মিশে বৃড়ি ভৈরব নামে গতিশীল গভীর নদী। কোট্টাঁদপুরের তাহেরপুর হাকিমপুর থেকে কপোতাক্ষে ভাগ হলে ভৈরব আবার ক্ষীণ হয়ে পড়ে। ফলে এর ভাটিতে মুক্তেশ্বরী তার দুর্বল প্রবাহ নিয়ে টেকা শ্রীহরি গ্যাংরাইল নামে বঙেপসাগরের অভিমুখে প্রবাহিত। এর দুর্বল প্রবাহ ভবদহ অঞ্চলের পানিপ্রবাহের ক্ষেত্রে তেমন ইতিবাচক ভূমিকা রাখতে সমর্থ নয়।


দুই : অবকাঠামো নির্মাণে নদীর ওপর হস্তক্ষেপ : ১৮৫৯ সালে আসাম-বালা রেললাইনের কাজ শুরু হয়। ১৮৬১ সালে কলকাতা থেকে কৃষ্ণার জগতি পর্যন্ত ১৭০ কিলোমিটার রেললাইন স্থাপনের কাজ শেষ হয়। রেললাইনটি স্থাপন করা হয় চিয়া নদীর পূর্ব তীর

বরাবর। এসময় চুয়াডাঙ্গার দর্শনায় ভৈরব নদের ওপর একটি সংকীর্ণ রেল সেতু নির্মাণ করা হয়। এরপর ১৯৩৮ সালে চিয়ার খাত পুরোপুরি ভরাট করে কেরাং অ্যান্ড কোম্পানি চিনিকল নির্মাণ করা হয়। ফলে দক্ষিণ-পশ্চিমাঞ্চলের সব নদনদীতে গঙ্গার প্রবাহ বন্ধ হয়ে যায়। এর পরও দর্শনার রেল সেতুর নিচ দিয়ে সামান্য পরিমাণ পানি আসত। কিন্তু ১৯৬০ সালে জিকে প্রকল্প বাস্তবায়ন এবং মাওরায় নবগঙ্গা নদীর ওপর একটি স্লুইস গেট নির্মাণের কারণে তা-ও বন্ধ হয়ে যায়।

৭. সমস্যা যেভাবে শুরু : আশির দশকের শুরুতে স্লুইস গেটের বাইরে পলি জমে বাঁধের বাইরের নদী ভেতরের নদী ও ভূমি থেকে উঁচু হয়ে যায়। নাব্যতা হারায় মুক্তেশ্বরী, টেকা, শ্রী ও হরি নদী। অবরুদ্ধ হয়ে পড়ে পানি নিষ্কাশনের পথ। বৃষ্টির পানি আটকা পড়ে সৃষ্টি হয় জলাবন্ধতা। ১৯৮৪ সাল থেকে এই জলাবন্ধতা প্রকট আকার ধারণ করে। বৃষ্টির পানি বিলে আটকা পড়ে পরে তা উপচে বিলসংলগ্ন গ্রামগুলো প্রাপ্তি হয়। পানিবন্দি হয়ে পড়ে মানুষ। পানি সরানোর দাবিতে আন্দোলন শুরু করে ভুক্তভোগী মানুষ। আন্দোলনের মুখ্য তৎকালীন সরকার ১৯৯৪ সালে এশীয় উন্নয়ন ব্যাংকের (এডিবি) ২৫৭ কোটি আর্থিক সহায়তায় শুরু করে খুলনা-যশোর নিষ্কাশন পুনর্বাসন প্রকল্প (কেজডিআরপি)। ২০০২ সালে প্রকল্পের কাজ শেষ হয়। শ্রী, হরি ও টেকা নদীর পলি অপসারণ, খাল খনন এবং বিল কেদারিয়ায় জোয়ারাধার নির্মাণ করা হয় এই প্রকল্পের আওতায়। আপাত অবসান হয় জলাবন্ধতার।

২০০৫ সালের ফেব্রুয়ারি মাসে স্থানীয় বিএনপি নেতা বর্তমানে মণিরামপুর উপজেলার নেহালপুর ইউনিয়নের চেয়ারম্যান নজমুস সাদাতসহ আরও ৪৮৩ ব্যক্তি বিল কেদারিয়ায় জোয়ারাধার বন্ধের জন্য জেলা প্রশাসকের নিকট আবেদন করেন। আবেদনের পরিপ্রেক্ষিতে জেলা প্রশাসকের নির্দেশে পানি উন্নয়ন বোর্ড মার্চ মাস থেকে ৪৮ দিন ভবদহ স্লুইস গেট বন্ধ রাখে। এতে পলি জমে নদীর বুক উঁচু হয়ে পড়ে। ওই বছরের অক্টোবর মাসের টানা বর্ষণে পুনরায় পানি জমে জলাবন্ধতা দেখা দেয়। এরপর ২০০৬ সালের চার দফা অতির্বর্ষণে অত্যন্ত মাস কেদারিয়া, মণিরামপুর, কেশবপুর ও যশোর সদর উপজেলার ২১টি ইউনিয়নের ১৮৪টি গ্রাম তলিয়ে যায়। পানিবন্দি হয়ে পড়ে চার লক্ষাধিক মানুষ। পানি সরানোর দাবিতে ভবদহ পানি নিষ্কাশন সংগ্রাম কমিটির মেত্তে শুরু হয় দুর্বার আন্দোলন। তীব্র আন্দোলনের মুখ্য সেনাবাহিনীর তত্ত্বাবধানে ওই বছর ৬৯ কোটি টাকা ব্যয়ে শ্রী, হরি ও টেকা নদী পুনঃখনন করা হয়। কেশবপুর উপজেলার বিল খুকশিয়ায় জোয়ারাধার চালু এবং অত্যন্ত মাস উপজেলার আমডাঙ্গা খাল সংস্কার করা হয়। শুরু হয় পানি নিষ্কাশন। দূর হয় জলাবন্ধতা।

৮. তবদহের জলাবদ্ধ এলাকার মানচিত্র :



৯. তবদহসহ সংশ্লিষ্ট এলাকার জলাবদ্ধতা নিরসনে টিআরএম : TRM (Tidal River Management) মূলত মূল নদীসংলগ্ন যে কোনো একটি নির্বাচিত (একাধিকও হতে পারে) বিলের তিন দিকে পেরিফেরিয়াল বাঁধ নির্মাণ করে (উন্মুক্তও হতে পারে) অবশিষ্ট দিকের

বেড়িবাঁধের একটি অংশ উন্মুক্ত করে পরিকল্পিতভাবে বিলে জোয়ার-ভাট্টা চালু করা হয়। এটাই টিআরএম বা জোয়ারাধার নামে পরিচিত। এই পদ্ধতিতে সাগর থেকে জোয়ারের সাথে আসা পলি বিলে থেকে যায়। পরে স্বচ্ছ পানি ভাটি আকারে ফিরে যায়। ফলে জোয়ারে

আসা পলি বিল/নিম্নভূমি উঁচু করে আর ফিরে যাওয়া স্বচ্ছ পানির প্রবাহ নদীর নাব্যতা বৃদ্ধি করে প্রকৃতির নিয়মে নদী খনন কাজ চলে। এভাবে ভূমি গঠন, জলাবদ্ধতা নিরসন এবং নদী খনন কাজ সম্পন্ন হয়।

ক) অধ্যাপক প্রশান্ত মহলানবীশের সমীক্ষা : ইতিহাস পর্যালোচনা হতে দেখা যায়, ১৯২২ সালে উত্তরবঙ্গ বিপর্যয়কারী বন্যায় কবলিত হয়। সেই সময়ের বিদ্যমান বাস্তবতার পরিপ্রেক্ষিতে কলকাতার প্রেসিডেন্সি কলেজের স্বনামধন্য অধ্যাপক প্রশান্ত মহলানবীশ একটি সমীক্ষা প্রকাশ করেন। তাঁর সেই সমীক্ষায় বন্যার কারণ ও প্রকৃতি বিশ্লেষণ করা হয়। এই সমীক্ষায় ওই বন্যার প্রবণতা, বন্যা প্রতিরোধের ক্ষেত্রে বাঁধের কার্যকারিতা সম্পর্কেও দিকনির্দেশনা ছিল। প্রায় ১০০ বছর আগে ১৯২৭ সালে তিনি বললেন, “উত্তরবঙ্গের বন্যার প্রধান কারণ হচ্ছে সেখানকার বিলসহ নিচু এলাকায় পানি চুকলে সহজে বের হতে পারে না। বন্যার প্রবাহকে দ্রুত বেরিয়ে যাওয়ার পথ করে দেওয়াটাই হচ্ছে সবচেয়ে গ্রহণযোগ্য পদ্ধা।” প্রশান্ত মহলানবীশ তাঁর বিশ্লেষণ আরো বললেন, পলিযুক্ত পানি অবাধে চলতে দিলে পলির স্তর পড়ে নিচু ভূমি ক্রমশ উঁচু হয়ে উঠবে, বন্যার প্রকোপ করবে। এই প্রক্রিয়া সময়সাপেক্ষে, সে কারণে নিকট ভবিষ্যতে বন্যা হতে থাকবে। স্বনামধন সূত্রে তিনি বললেন, নদীর তীরে বাঁধ তৈরি করে বন্যাকে ঠেকানোর প্রচেষ্টা কোনো স্থায়ী সমাধান নয়। কারণ তাতে আবদ্ধ বন্যার জলে সংক্ষিপ্ত পলিমাটি পড়ে নদীতল ক্রমশ ভরাট ও উঁচু হয়ে যাবে। অর্থাৎ নিচু এলাকায় চারদিকে বাঁধ নির্মাণ দীর্ঘমেয়াদি সমাধান নয়, বরং দীর্ঘ মেয়াদে জল নিষ্কাশনের পথে বাধা সৃষ্টি করবে। উল্লেখ্য, অধ্যাপক টেবিল ২: বাস্তবায়িত/চলমান টিআরএমের খতিয়ান

প্রশান্ত মহলানবীশের তথ্য (উত্তরবঙ্গে বন্যা সম্পর্কিত) আমাদের দক্ষিণ-পশ্চিমাঞ্চলের জলাবদ্ধতার কারণ ও সমাধানের সাথে অনেকটা সংগতিপূর্ণ।

খ) টিআরএমের স্বীকৃতি : আসলে অতি প্রাচীন লোকজ জ্ঞানের প্রাতিষ্ঠানিক রূপ টিআরএম। হ্যাঁ, গত শতাব্দীর আশির দশকের শুরুর দিকে দক্ষিণ-পশ্চিমাঞ্চলের জলাবদ্ধতা শুরু হলে তা নিরসনের লক্ষ্যে ভিন্ন নামে আন্দোলনকারী সংগঠনসমূহ (এই আন্দোলনের প্রায় সবগুলোর পুরোধা ছিল বাম প্রগতিশীল সংগঠন ও ব্যক্তি) বাঁধ কাটা, গেট ভাঙা, অবাধ পানি প্রবাহের জন্য বিভিন্ন উদ্যোগ নেয়। এরই পরিপ্রেক্ষিতে ১৯৯৪-৯৫ সালে এভিবি-ইউএনডিপি এবং বাংলাদেশ সরকারের অর্থায়নে (২২,৮৬৮,১৬ লাখ টাকা) কেজেডিআরপির (Khulna Jessor Drainage and Rehabilitation Project) অধীন হ্যাসকোনিং ও হেলকেন্ডে সামগ্রিক নিষ্কাশন পরিকল্পনা প্রস্তুত করে। এই কর্মসূচির আলোকে পানি উন্নয়ন বোর্ড সাবেক উপকূলীয় বাঁধের সম্প্রসারণ করতে চাইলে গণপ্রতিরোধে তা বাস্তবায়ন অসম্ভব হয়ে পড়ে। ১৯৯৭ সালের ৯ সেপ্টেম্বর যশোর জেলা পরিষদ মিলনায়তনে ইজিআইএসের জাতীয় কর্মশালায় পানি বিশেষজ্ঞ ও রাজনৈতিক নেতৃত্বসহ সকল স্তরের জনগণ গবেষণালক্ষ চারটি বিকল্পের মধ্যে চতুর্থ নম্বরের নদীর পরিকল্পিত জোয়ার-ভাটা ব্যবস্থাপনা, যা বর্তমানে টিআরএমের স্বীকৃতি দেয়।

গ) এ পর্যন্ত বাস্তবায়ন/চলমান টিআরএমের খতিয়ান (টেবিল ২):

বিলের নাম	সংশ্লিষ্ট নদী	ধরণ (যুক্ত/পরিকল্পিত)	সময়কাল	ক্রতম	উদ্যোগ	ক্ষতিপূরণ	প্রধান অন্তরায়/ পরিবেশের ওপর প্রভাব	মূল্যায়ন
ভরত- ভায়না	হরি নদী	অপরিকল্পিত, উন্মুক্ত	১৯৯৭, ২৯ অক্টোবর থেকে ২০০১	১ম	আন্দোলনকারী ছান্নীয় জনগণ	ব্যবহা ছিল না	গাছপালা, মাছ, প্রকৃতির ক্ষয়ক্ষতি। লবান্ততার ফলে গোখাদ্যের সংকট	বিলের তলদেশ ৫-৬ ফুট ভরাট, ৭৫% ভরাট, হরি নদীর নাব্যতা বৃদ্ধি পায়।
বিল কেদারিয়া (৬০০ হেক্টের)	হরি নদী	পরিকল্পিত (৬০০ হেক্টের জমির চারদিকে পেরিফেরিয়াল বাঁধ ছিল)	জানুয়ারি ২০০২ থেকে জুন ২০০৪ পর্যন্ত	২য়	পানি উন্নয়ন বোর্ড	ব্যবহা ছিল না	পরিবেশের ওপর তেমন বিরূপ প্রভাব ছিল না। ২০০৫ সালে উচ্চ অবস্থের জমি মালিকরা জমির চাষ করে, নিচু অংশে নিচু থেকে যায়। আরও কিছুদিন টিআরএম দরকার ছিল, কিন্তু হয়নি। ২/৩ অংশে ভরাট হয়। অভ্যন্তরীণ দুর্দ শক হয়। সময়সূচীক ক্ষতি ভবদহ অঞ্চলের নদী ১৭ কিলোমিটার পলি দ্বারা ভরাট হয়। ফলে ২০০৫ সালে জলাবদ্ধতা হয়।	হরি নদীর নাব্যতা বজায় ছিল।
পূর্ব বিল খুকশিয়া (৮৪৬ হেক্টের)	হরি নদী	পরিকল্পিত	২৭ এপ্রিল ২০০৬ থেকে ২০১০+	৩য়	পানি উন্নয়ন বোর্ড	ব্যবহা ছিল	ক্ষতিপূরণের ব্যবহা ছিল, কিন্তু সবাই পায়নি। ১০৮২ জন জমির মালিকের মধ্যে ৪৪৬ জন ক্ষতিপূরণ পেয়েছে। ক্ষতিপূরণ বাদে ১,৮৫,২৩,৩০২ (এক কোটি স্বাচ্ছি লাখ তেইশ হাজার তিনশ বাত্রিশ) টাকা মাত্র। (পানি উন্নয়ন বোর্ড ফসলের ক্ষতিপূরণ বাদে ৩,৮০,০০,০০০ (তিন কোটি চালিশ লাখ) টাকা বরাদ করে।	নির্ধারিত সময়ে টিআরএম কার্যক্রম শেষ না হওয়ায় জমিনে নানা প্রক্রিয়া জন্ম হয়। টিআরএম করাকালীন সংশ্লিষ্ট বিলে সমবায়ভিত্তিক কার্যক্রমের উদ্যোগ নেয়া দরকার।

ঘ) টিআরএম-পূর্ব বাঁধ কাটা/ভাঙা কার্যক্রম (বিশুদ্ধ জনতা/আন্দোলনকারী সংগঠন)

টেবিল ৩: বাঁধ কাটা/ভাঙা কার্যক্রম

সময়	বিল	কার্যক্রম
১৯৮৩	ভর্তের বিল/সিসিয়ার বিল	বাঁধ ভাঙা
২২ জুলাই ১৯৮৮	ডহুৰী	বাঁধ কাটা
১৮ সেপ্টেম্বর ১৯৯০	বিল ডাকাতিয়া	বাঁধ কাটা
২৯ অক্টোবর ১৯৯৭	ভরত-ভায়না	বাঁধ কাটা

৫) টিআরএমের ব্যর্থতার কারণ-

- ১। রাজনৈতিক হীন স্বার্থ (টিআরএমের পক্ষে-বিপক্ষে পার্টিপালিট অবস্থান)
- ২। খাস জমি ও পরিত্যক্ত সম্পত্তি সংক্রান্ত জটিলতা
- ৩। টিআরএমের বিরণক্ষেত্রে মালিক ও লিজ গ্রহীতাদের অবস্থান
- ৪। পানি উন্নয়ন বোর্ডের দায়িত্বহীনতা, দুর্নীতি এবং বোর্ডের প্রতি জনগণের অনাশ্চা
- ৫। পানি উন্নয়ন বোর্ডের দক্ষতা ও আন্তরিকতার অভাব
- ৬। পেরিফেরিয়াল এবং গ্রাম রক্ষা বাঁধ সংক্রান্ত প্রশ্ন ইত্যাদি
- ৭। ক্ষতিপূরণের অর্থ প্রাপ্তিতে ব্যাপক হয়রানি, অব্যবস্থাপনা এবং সীমাহীন দুর্নীতি ।

১০. তবদহের চলতি জলাবদ্ধতায় ক্ষয়ক্ষতির হিসাব (টেবিল ৪-৭) :

টেবিল ৪

উপজেলার নাম	মোট ইউনিয়নের সংখ্যা	অধিক ক্ষতিগ্রস্ত ইউনিয়নের নাম ও সংখ্যা	ক্ষতিগ্রস্ত আমের সংখ্যা	ক্ষতিগ্রস্ত এলাকা (বগুকি.মি.)	ক্ষতিগ্রস্ত পরিবার	ক্ষতিগ্রস্ত লোকসংখ্যা	ক্ষতিগ্রস্ত ঘরবাড়ি (সম্পূর্ণ/আংশিক)
মণিরামপুর	১৭টি	ঢাকুরিয়া, হরিদাসকাঠি, খেদাপাড়া, হরিহরনগর, ঝাপা, মশিমানগর, চালুয়াহাটি, শ্যামকুড়ি, খানপুর, দূর্গাড়া, কুলচিরা, নেহালপুর, মনেহরপুর = ১৩টি	১২০টি	২০৬.০০	৩০,০০০	১,২০,০০০	১,৫০০
অভয়নগর	০৮টি	প্রেমবাগ, সুন্দলী, চলাশিয়া, পায়রা = ৪টি পৌর = ১টি	৫৫টি	১২০.০০	১৪,৮৯৫	৬৫,০০০	১৪,৮৯৫
কেশবপুর	১১টি	কেশবপুর সদর = ১টি পৌর = ১টি	৮৫টি	১২১.৯০	১৭,৩৪৯	৮২,৫১১	১৭,৩৪৯

টেবিল ৫

অস্থায়ী/হায়ী আশ্রয়কেন্দ্রের সংখ্যা	অশ্রয়কেন্দ্রে আন্তিক পরিবার	ফসলের ক্ষয়ক্ষতি			ক্ষতিগ্রস্ত মৎস্যসম্পদ		ক্ষতিগ্রস্ত ধর্মীয় প্রতিষ্ঠান		ক্ষতিগ্রস্ত সড়ক (পাকা/কাঁচা)
		সম্পূর্ণ (হেটের)	আংশিক (হেটের)	টাকায় ক্ষতি	হেটের	টাকায় ক্ষতি	মসজিদ	মন্দির/শুশান	
৪২টি	৮,০০০টি	৮,১৫২.০০	৬,৫৩৭.০০	৬৭৬.৩৫ কোটি	৭০১৩	১৯৪.০০ কোটি	২৪টি	০৮টি	৮৫ কি.মি.
২৬টি	৭২০টি	৫,৭৫৩.০০	-	৬০.৬৫ কোটি	৩৫০০	১২৪.০০ কোটি	১১টি	২০টি	৩৩ কি.মি.
২০টি	২,৩২৯টি	৫,৩০০	৩৯৪				৩০টি	১০টি	৮৮.৮৬ কি.মি.

ক্ষতিগ্রস্ত বাঁধ	ক্ষতিগ্রস্ত শিক্ষাপ্রতিষ্ঠান				ক্ষতিগ্রস্ত মোট শিক্ষাপ্রতিষ্ঠান
	প্রাথমিক	মাধ্যমিক	মাদ্রাসা	কলেজ	
০১ কি.মি.	৫১টি	৩৬টি	০৮টি	০৬টি	১০১টি
-	২৭টি	০৮টি	০৩টি	০২টি	৪০টি
	৭০টি	৪০টি	৩০টি	০৮টি	১৪৮টি

ক্ষতিগ্রস্ত নলকূপ (গজীর/অগজীর)	ক্ষতিগ্রস্ত স্বাস্থ্যসম্পত্তি ল্যাট্রিন	ক্ষতিগ্রস্ত জলাধার		ক্ষতিগ্রস্ত বরিউনিটি ক্লিনিক	মৃতের সংখ্যা
		পুরুর	ঘের/বাঁওড়ি/হ্যাচারি (হেষের)		
১২০টি	১৮,০০০	৬,০০০	২,৫০০	০৮টি	০৭ জন
৫০টি	৮,০০০	৮,৫০০	৩,৫০০	-	১২ জন
২০৮টি	৯৮৩	১,১১৩	২,৯৪৭		৩ জন

১১. জলাবদ্ধ এলাকায় চলমান আর্থ-সামাজিক সংকট ও অভিযাত :

সংকট	অভিযাত
স্যানিটেশন ব্যবস্থা নষ্ট	দৃঢ়গের বিস্তার
পচনশীল জল	চর্মরোগের প্রাদুর্ভাব
জলাবদ্ধ বসতিগুটা	সামাসহ বিষাক্ত শোকামাকড়ের আক্রমণ
ফ্রিহাস্ট নলতৃপ্তি	পানীয় জলের সংকট
গোখাদের অভাব	গবাদি পঙ্গ কে মূল্যে বিক্রি/ছানাতের
জলাবদ্ধ কমিউনিটি ইলিনিক	চিকিৎসার সমস্যা
বন্ধ স্কুল, কলেজ, শিশ্বাশ্রমগুলি	বরে পড়ার আশঙ্কা
দীর্ঘমেয়াদি জল	ইরি-বোরো চারের অনিচ্ছিয়তা
কৃষিজ ফসল খান, পাট, শাক-সবাজি আবাদ নষ্ট)	পেশার পরিবর্তন
জলাবদ্ধতা নিরসনের উদ্যোগ	দুর্নীতির মহোৎসব
আধ বিতরণ (যৎসামান্য)	সুদখোর বেসেরকারি সংস্থার অনুপ্রবেশ
হাইওয়ে রাস্তায় জল ও জলযান (খুলনা-যশোর, নওয়াপাড়া-মণিরামপুর, নওয়াপাড়া-মশিয়াহাটী)	পরিবহন ও যোগাযোগ সংকট, ফ্রিহাস্ট রাস্তা, দীর্ঘমেয়াদি তোগাপ্তির আশঙ্কা
উন্মুক্ত (জল, জল, জলজ সম্পদ)	জলজ সম্পদ (মাছ, কাঁকড়া ইত্যাদি), খাসজর্মির দখলদার, বড় ভূস্থামীদের পুনর্দখল
কারেন্ট জালের বিস্তার	জলজ সম্পদ ফ্রিহাস্ট
বনজ সম্পদ ধ্বনি	পরিবেশ বিপর্যয়
গবাদি পঙ্গ, মানুষ, খাবার ঘর যৌথ (রাস্তার ওপর)	দুর্বল আঞ্চিক ও সামাজিক বদ্ধন
জ্বালানি সংকট	খাদ্যের অনিচ্ছিয়তা
কমইন্টান্টা	হাহাকার
বসতিগুটাসহ শেষ সম্বল নষ্ট	শহরমুখী প্রবণতা, বস্তিয়ায়নের আশঙ্কা

ঝঃ
ঝঃ
ঝঃ

১২. আশু করণীয় :

- ১। চলমান ক্ষেভেটেরের কার্যক্রমে গতি আনয়ন
- ২। নতুন করে অধিক ক্ষেভেটেরের ব্যবস্থা করা
- ৩। ক্ষেভেটের বন্ধ না রেখে নিরবচ্ছিন্নভাবে কাজ করা
- ৪। উত্তোলনকৃত পলি তারী না রেখে দূরে অপসারণের ব্যবস্থা, ফলে পুনরায় নদীতে গড়িয়ে পড়ার হার কমবে
- ৫। ভবদহের ২১ ও ৯ গেটের মাঝ দিয়ে ভবদহের উজান ও ভাটির সরাসরি সংযোগ স্থাপন
- ৬। আমডাঙ্গা খালের সংক্ষার
- ৭। নিহালপুরের দাইয়ের খাল সংক্ষার
- ৮। মণিরামপুরের দুর্বাঙ্গার বাকার খাল সংক্ষার
- ৯। উত্তর পাশের জলপ্রবাহ সংযোগের যে পুল-ব্রিজ ছিল তার উভয় পাশের প্রবাহ নিশ্চিত করা
- ১০। বিল অভ্যন্তরের নিক্ষান খালসমূহ বাধাহীন করা ।

১৩. স্থায়ী সমাধান/সুপারিশ/যা ভাবতে হবে :

প্রকৃতপক্ষে ভবদহের জলাবদ্ধতার সমাধান একক কোনো পদ্ধতি বা কোশলে সম্ভব নয়। মূলত টিআরএম এবং বাধাহীন উজানের জলপ্রবাহ এক্ষেত্রে গুরুত্বপূর্ণ ভূমিকা পালন করবে। সংশ্লিষ্ট আর যা যা ভাবা যেতে পারে তা নিম্নরূপ :

- ১। পরিকল্পিত এবং সর্বোচ্চ দক্ষতার সাথে পর্যায়ক্রমে এলাকার সকল বিলে টিআরএম বাস্তবায়ন করা
- ২। টিআরএম নিরবচ্ছিন্ন করা। মূলত একটা টিআরএম শেষ না হতেই অন্যত্র তা চালু করার ব্যবস্থা করা। এক দিনও টিআরএমবিহীন পথচালা নয়
- ৩। আমডাঙ্গা খাল সংক্ষারের মাধ্যমে সংকটের সহায়ক নিক্ষান পথ তৈরি করা
- ৪। মাথাভাঙ্গা, ভৈরবের সাথে মুক্তেশ্বরী, কপোতাক্ষসহ ভাটির সব নদীর অবাধ প্রবাহ সৃষ্টির নিশ্চিত ব্যবস্থাপনা

৫। জলাবদ্ধ এলাকা ধিরে জলপ্রবাহ সার্কেল তৈরি করা। সংশ্লিষ্ট সকল নদী, খাল সংস্কার (কৃতিম ও প্রাকৃতিক উপায়ে) এবং পরিস্পরের মধ্যে জীবন্ত সংযোগ স্থাপন

৬। কৃতিম সব বাঁধ, বাধা অপসারণ। প্রাচীন সেই নিয়মে প্রকৃতির কাছে ফিরে যাওয়া

৭। মৌলিকভাবে ভূমি-কৃষি, জল-জলা সংস্কার (টিআরএম চলাকালীন সংশ্লিষ্ট বিলে সমবায়ভিত্তিক কার্যক্রম)

৮। নদী খনন, বাঁধ নির্মাণ ইত্যাদির মাধ্যমে জলপ্রবাহ পরিকল্পিত করা

৯। উজানে ব্যারাজ নির্মাণ করে নিয়ন্ত্রিত জলপ্রবাহ (যদি ও প্রশংসাপেক্ষ)

১০। উজানের জলপ্রবাহ পর্যাপ্ত এবং নিশ্চিত করতে আন্তর্জাতিক নদীসমূহের প্রশংসে জাতীয় নীতি নির্ধারণ কার্যক্রম পরিচালনা

১১। ভবদহ, কাটেঙ্গা, জামিরা, বিল ডাকতিয়া, আফিল জুমিল এবং জাহানাবাদ ক্যান্টনমেন্টের মাঝ বরাবর গিলাতলা সংলগ্ন ত্রিমোহন (ভৈরব-মুজতখালী) সংযোগ চানেল তৈরি

১২। পানি ব্যবস্থাপনা সম্পর্কিত বাস্তবমুখী জাতীয় নীতিমালা প্রণয়ন এবং সঠিক বাস্তবায়ন

১৩। ভূমি, কৃষি, জলা সংস্কার

১৪। নদী, খাল-বিলে পরিকল্পিত ও অভিন্ন প্রবাহ সৃষ্টি করা ।

১৫. উপসংহার : আমাদের উজানে হিমালয় আর ভাটিতে বঙ্গোপসাগর। মধ্যবর্তী পলনভূমি আমাদের আবাসন। জলের মধ্যে, জলের খেলায় এই ভূখণ্ডে এবং তার গঠন। প্রাকৃতিক বিপর্যায়কে একেবারে নির্মূল করা আমাদের তাই অসম্ভব। বুকি কমানোর কোশল বের করা সম্ভব মাত্র। সম্ভবত বাংলাদেশে ১২৩-১২৫টি পোক্সার আছে। মূলত লবণাক্ততা, জোয়ার-ভাটা এবং জলোচ্ছাস থেকে মুক্তির পথ খুঁজতেই এর জন্ম। আর জলাবদ্ধতার গোড়ার কথাও এখনে। বাংলাদেশের দক্ষিণ-পশ্চিমাঞ্চল তো বটেই, পোক্সারভূমি প্রায় সর্বত্র এই জলাবদ্ধতার সংকট বিদ্যমান। গত শতাব্দীর যাত্রের দশকের শুরুতে আলোচিত ভবদহ এবং তৎসংলগ্ন এলাকায় সংকটের উত্থান, আশির দশকের বিকাশ আর সম্প্রতি এর চরম পরিণতি। হ্যাঁ, প্রতিবছর মোটামুটি ২৪০ কোটি টন পলি এই ভূখণ্ডে উজান ও ভাটি থেকে প্রবাহিত ও নিপতিত হয়। অবশ্য বাংলাদেশে রেইন কাট পলির বিষয়টি ভাবলে বলা যায়, বন্যা ও বৃষ্টির তারতম্যে এর হ্রাস-বৃদ্ধি ঘটে। এর ব্যবস্থাপনা মুখ্য বিষয়। প্রকৃতির কাছে ফিরে গিয়ে প্রকৃতির নিয়মে দিনে দুইবার (জোয়ার-ভাটা) প্লাবন ভূমিতে এই পলির বিক্ষেপণ যেমন ভূমি গঠন করবে, তেমনি স্বচ্ছ পানি ফেরার পথে নদীর প্রবাহ সচল রাখবে। এর ব্যত্যয়ে নদীর, খালের তলদেশ ভরাট হবে। এর প্রমাণ মাত্র দেড় মাসে ভবদহের স্থুইস গেটের ভাটিতে ১৫ কিলোমিটার পলি দ্বারা ভরাট হওয়া। এর বিকল্প কী? যান্ত্রিক প্রক্রিয়ায় পলি ব্যবস্থাপনা নদীর সংক্ষার, তা তৃতীয় বিশ্বের দেশ বাংলাদেশে কতকুকু সম্ভব ভাববার বিষয়। বাংলাদেশের দক্ষিণ-পশ্চিমাঞ্চলের নদীসমূহ মূলত দক্ষিণ-পূর্বমুখী আর এর পলি শতভাগ মিহি প্রায় কাদায়ুক্ত (উল্লেখ্য, দক্ষিণ-পূর্ব অঞ্চলের নদী দক্ষিণ-পশ্চিমমুখী এবং তার পলি খসখসে পাথরকুচিযুক্ত)। প্রাকৃতিক নিয়মে এর অপসারণের জন্য জলপ্রবাহ বেগবান হওয়া জরুরি। গতি ঘন্টায় ন্যূনতম তিনি কিলোমিটার। উজানের প্রবাহ বন্ধ থাকায় এটা ব্যাহত। সেটি আরেকটা বড় প্রশ্ন। সংকট উত্তরণে টিআরএমই ভরসা। তবে এটা স্যালাইনসদ্বশ্র, জীবন চলবে কিন্তু সুস্থ জীবন নয়। চূড়ান্ত সমাধানে শুধু দরকারই নয়, ভূমি-কৃষি, জল-জলা-জঙ্গলে মৌলিক ব্যবস্থাপনা এবং যৌক্তিক সংক্ষার নিশ্চিত করা জরুরি। তার জন্য চাই রাজনৈতিক সিদ্ধান্ত, রাষ্ট্রীয় উদ্যোগ। এর কোনো বিকল্প নেই।

মো. জাহাঙ্গীর আলম: প্রভাষক, অর্থনীতি বিভাগ, ফুলতলা মহিলা কলেজ, ফুলতলা, খুলনা

ইমেইল: jahangir252540@gmail.com